



Morongwa
William Marrion Branham

Morongwa

wa

Phuthego ya Paka ya Laodikea

Tshenolo 3:14-22

Kwalela moengele wa phuthego ya kwa Laodikea o re: Yo e leng Amen, mosupi yo o boikanyo le boammaaruri, mosimolli wa lobopo lwa Modimo, o bua jaana a re:

Ke itse ditiro tsa gago gore ga o tsididi, ebile ga o bollo. Ekete o kaboo le tsididi gongwe o le bollo!

Jaanong ka o le bothitho fela, o se molelo le eseng tsididi, ke tlaa go kgwa ka molomo wa me.

Gonne oa re, o mohumi, o humile, ga o tlhoke sepe; mme o sa itse gore o mmogisegi o tlhomola pelo, o tletse lehuma, o sefofu, ga oa ikatega.

Ke go gakolola gore o reke gauta mo go nna e e itshekisitsweng ka molelo, gore o tle o hume, le diaparo tse ditshweu, gore o tle o apare, mme ditlhong tsa bosaikatega jwa gago di sekä tsa senoga, le setlhare sa matlho go itlotsa matlho, gore o tle o bone.

Botlhe ba ke ba ratang, kea ba kgalemela, kea ba watlhaa; ka moo he, nna matlhagatlhaga o tlhabologe.

Bona, ke eme fa mojako, kea konyakonya. Fa motho a utlwa lentswe laa ka, a ba a bula lobati, ke tlaa tsena kwa go ene, kee ja selalelo nae, le ene lenna.

Yo o fenyang ke tlaa mo naya gore a nne le nna mo sedulong saa ka sa bogosi, jaaka le nna ke fentse, ke ntse le Rre mo sedulong sa gagwe sa bogosi.

Yo o nang le tsebe, a a utlwe se Moya o se rayang diphuthego!

Morongwa

Ke belaela thata thata fa paka nngwe le nngwe e itsitse morongwa yo Modimo o mo rometseng mo go yona, kwa ntle ga paka ya ntlha eo Paulo e neng e le morongwa. Mme le gona mo pakeng eo ba le bantsi ga ba a ka ba mo lemoga seo a neng a le sona.

Jaanong paka e re tshelang mo go yona e tlide gonna e khutshwane thata. Ditiragalo di ile go itsegala ka bonako. Ka go rialo morongwa wa Paka e ya Laodikea o tshwanetse a bo a le teng gona jaanong, le fa gongwe re ise re ke re mo itse. Fela go tla tshwanelo gore go nne le nako e o tla itseweng ka yona. Jaanong nka bonagatsa seo gonne re na le Makwalo a a tlhalosang thomo ya gagwe.

Santlha ntlha, morongwa yoo o tlide gonna moporofeti. O tla nna le thomo ya moporofeti. O tla nna le ofisi ya boporofeti. E tlabo e theilwe ka tsepamo mo Lefokong gonne fa a porofeta gongwe a nna le pono, e tla bo e "theilwe mo Lefokong" legona KA METLHA e tla dirafala ka gale. O tla bonagatswa e le moporofeti ka ntlha ya go sa fose ga gagwe. Bopaki ba gore ke moporofeti bo fitlhelwa mo go Tshenolo 10:7, "Mme e tlaare mo malatsing a lenseswe la morongwa wa bosupa, a o tlaa letsang phala ka ona, bosaitsiweng jwa Modimo bo wediwe ka fa mafokong a boitumelo a o a begetseng baporofeti, batlhanka ba Ona." Jaanong motho yo, mo temaneng ye a bidiwang "moengele" mo tlhagisong ya King James GA SE wa se legodimo. Morongwa wa borataro yo o letsang phala, yo e leng wa se legodimo, o mo Tshenolo 9:13, mme wa bosupa mo thulaganyong e e tshwanang o mo go Tshenolo 11:15. Yo o leng mo go Tshenolo 10:7 ke morongwa wa paka ya bosupa le gona ke motho, mme o tlaa ba a tlisa molaetsa go tswa go Modimo, mme molaetsa le thomo ya gagwe di ile go konosetsa bosaitsweng jwa Modimo jwo o bo begetseng batlhanka, ba porofeti ba Gagwe. Modimo oilo go dirisa morongwa yo wa bofelo jaaka moporofeti GONNE KE MOPOROFETI. Ke seo Paulo a neng a le sona mo pakeng ya ntlha, le paka ya bofelo le yona, e na le ene. Amose 3:6-7, "Gongwe a go ka lediwa lonaka fela mo motseng, batho ba sa tshoge? A kotsi e ka dirafalela motse, e MORENA a sa e dirafatsang? Gonne Morena Modimo ga a ke a dira sepe, a ise a senolele baporofeti ba Gagwe, sephiri sa Gagwe."

E ne e le mo nakong ya bofelo ya ge medumo e supang ya ga Jesu e tlhagella. Tshenolo 10:3-4, "A ba a goa ka lenseswe le legolo, jaaka tau e duma: Yare a sena go goa, ditumo di supa tsa maru tsa ntsha mantswe a tsona. Yare ditumo tse di supang tsa maru di sena go bua, ka re kea kwala: mme ka utlwa lenseswe le tswa kwa legodimong le re, O kane dilo tse didumo tse disupang tsa maru di di boletseng, o se ka wadikwala." Tseo di neng di le mo ditumong tseo ga go ope yo o di itseng. Fela re tlhoka go itse. Mme go tsaya moporofeti go amogela tshenolo gonne Modimo ga a na tsela engwe ya go tlhagisa tshenolo ya Makwalo a Gagwe kwantle ga ge e le ka moporofeti. Lefoko ka gale le tla ka moporofeti le tla tla fela jalo ka gale. Ka se e le molao wa Modimo o bonagala ka mokgwa wa go

tlhola Makwalo ka kelo tlhoko. Modimo yo o sa fetogeng wa ditsela tse di sa fetogeng ka gale o ne a romela moporofeti wa Gagwe mo pakeng nngwe le nngwe fa batho ba lathhega mo taolong e Tlotlegileng. Fa botlhe bo ramatlhale ba tsa bodumedi le batho ba tlogetse Lefoko, Modimo ka gale o rometse motlhanka wa Gagwe mo bathong ba (fela kwantle ga boramatlhale ba tsa bodumedi) gore a siamise thuto e e fosagetseng le go busetsa batho mo Modimong.

Jaanong re kgona go bona morongwa wa paka ya bosupa a tla, mme ke moporofeti.

Ga re bona fela morongwa yo a tla mo Tshenolo 10:7, mme re fitlhela e le gore Lefoko le bolela ka gotla ga Elia pele Jesu a boa. Mo Matheo 17:10, "Barutwa ba Gagwe ba mmotsa ba re, ke go reng, fa baitse-dikwalo ba re Elia o tshwanetse gotla pele?" Mme Jesu a ba raya a re, "Ka nnete o e tla, o tlaa tsosolosa tsotlhe." Pele ga go tla ga Morena wa rona, Elia o tshwanetse go boa go dira tiro ya pusetsmo kerekeng. Se ke se Maleagi 4:5 a se bolelang, "Bonang ke tla lo romela moporofeti Elia go ise go tle letsatsi la Morena le legolo le le boitshegang: ene o tlaa busetsa dipelo tsa borra-bana kwa baneng, le dipelo tsa bana kwa go borraabone, e se re gongwe ka tla ka itaya lefatshe ka khutso." Ga gona pelaelo ka gope gore Elia o tshwanetse go tla pele ga gotla ga Jesu. O na le modiro o o totobetseng oo a tshwanetseng gore a o wetse. Tiro eo ke karolo ya Maleagi 4:6 e e reng "o tla busetsa dipelo tsa bana kwa go borraabona." Lebaka le le dirang gore re itse fa ele tiro ya gagwe e e totobetseng go e dira mo nakong eo ke gonnie a setse a dirafaditse karolo e e reng "o tla busetsa dipelo tsa borraa-bana kwa baneng," fa pitsya Elia e le mo ka Johane Mokolobetsi. Luka 1:17, "O tlaa Mo etelela pele mo Moeng le mo thateng ya ga Elia, go sokololela dipelo tsa borraa-bana mo baneng, le ba ba sa utlweng go ba sokololela mo maikutlong a basiami, go ba baakanyetsa Morena setshaba se se etleeditsweng." Mo pitsong ya Johane "Dipelo tsa borra-bana di ne tsa busediwa kwa baneng." Re itse seo gonnie Jesu o boletse jalo. Fela ga e re dipelo tsa bana di buseditse kwa go borraabona. Seo ke se se santseng se tla dirafala. Dipelo tsa bana ba mo malatsing a bofelo di tla busediwa morago kwa go borraabona ba Pentekoste. Johane o baakantse borre gore Jesu a amogele bana mo mmeleng. Jaanong moporofeti yo Moya wa Elia o welang mo go ene o tla baakanya bana go amogela Jesu ge a boa.

Jesu o biditse Johane Mokolobetsi, Elia. Matheo 17:12, "Mme ke lo raya ke re Elia o setse a tsile, mme ga baa ka ba mo itse, ba dirile ka ene ka fa ba ratileng ka teng." Lebaka le le dirileng gore a bitse Johane Elia, ke ka gonnie Moya o o neng o le ka mo go Elia o ne o boile o tlide ka mo go Johane, le jaaka Moya o ne wa boela ko go Elisha morago ga puso ya ga Kgosi Ahabe. Jaanong gape Moya oo o tla boela mo monneng yo mongwe pele fela fa Jesu a tla. E tla nna moporofeti. O tla bonagadiwa jalo ke Modimo. Ka gonnie Jesu, ka Boene, mo nameng a ka sek a bo a le teng go mmonagatsa, (jaaka a dirile Johane) e tla diriwa ke Moya o o Boitshepo gore thomo ya moporofeti yo e tle e bonagale ka gakgamatsyo e kgolo. Jaaka

moporofeti, tshenolo nngwe le nngwe e tla tlhomamisiwa, ka gonne tshenolo nngwe le nngwe e tla dirafala. Ditiragalo tse di gakgamatsang tse di maatla di tla dirwa ka taolo ya tumelo ya gagwe. Mme go tla tlisiwa molaetsa yo Modimo o o mo neileng mo Lefokong go busetsa batho mo nneteng le mo nonofong ya nnete ya Modimo. Ba bangwe ba tla utlwa, fela ba bantsi ba tla gana nnete e agang mme ba mo gana.

Jaaka e le gore moporofeti morongwa yo wa Tshenolo 10:7 e nna ene o wa Maleagi 4:5-6 o tla tshwana le Elia le Johane ka tlhago. Botlhe e ne ele banna ba ba ileng ba arogantshiwa le dikolo tsa bodumedi jo bo amogetsweng ka malatsi a bone. Botlhe ene e le banna ba kwa nageng. Bothle ba tsere kgato fela fa ba ne ba nale "Go bua Morena," e tswa ka tlhamallo go Modimo ka tshenolo. Botlhe ba tlhasetse kgatlhanong le tsamaiso ya bodumedi le balaodi ba malatsi a bone. Go ne go sa nna jalo fela, ba tlhasetse kgatlhanong le botlhe ba ba senyang gongwe botlhe ba ba tla senyang ba bangwe. Mme ela tlhoko, botlhe ba boleletse-pele bogolo ka ga bokgopo ba basadi le di tsela tsa bone. Elia o goile kgatlhanong le Isabele, ge Johane ene a kgalemetsse Herodiase, mosadi wa Filipo.

Le fa a ka seke a tuma, o tla tlhomamisiwa ke Modimo. Jaaka Jesu a netefaditse Johane, mme le Moya o o Boitshepo o netefaditse Jesu, re ka lebelela sentle gore monna yo o tla netefatswa pele ke Moya fa o dira mo botshelong ba gagwe ka ditiragalo tse di nonofileng tse kwantle ga manganga di sa gonediweng fela; mme Jesu ka Namana, fa a bowa, o tla mo netefatsa le jaaka a netefaditse Johane. Johane, o pakile gore Jesu o etla,—le monna yo fela jalo, jaaka Johane, o paka gore Jesu o etla. Le gona go boa ga Kriste go tla bontsha gore monna yo kannete e ne e le moeteledi pele wa go tla ga Gagwe lwa bobedi. Se ke bopaki ba bofelo gore yo ka nnete ke moporofeti wa Maleagi 4, gonne bofelo ba paka ya Baditshaba e tla nna Jesu, ka Namana, a bonagala. Mme go tla bo go le thari mo go bao ba mo latotseng.

Go tswela pele go sedifatsa tlhagiso e ya rona ya moporefti wa letsatsi la bofelo, a re tlhokomeleng sentle gore moporofeti wa Matheo 11:12, e ne ele Johane Mokolobetsi, yo go boleletseng-pele ka ene mo go Maleagi 3:1, "Bonang, Ke tla roma morongwa wa Me, gore a baakanye tsela fa pele ga Me; mme Morena, Yo lo mmattlang, o tlaa tla kwa Tempeleng, ya Gagwe ka tshoganyetsa ebong Moengelle wa Kgolagano, Yo o lo kgatlhang; bonang, O tlaa tla, go bua Morena wa Masomosomo." Matheo 11:1-12, "Erile, Jesu a sena go fetsa go laya barutwa ba Gagwe, ba ba 12, A tloga teng a ya go ruta batho le go rera mo metseng ya bone. Erile Johane a le mo tlung ya kgolegelo mme a utlwela ditiro tsa ga Kriste, a roma barutwa ba gagwe ba le babedi, a Mmotsa a re, a ke wena Yo o tlang, a kampo re lebelle o sele? Jesu a ba araba a re mo go bone, Tsamayang lo bolelele Johane tse lo di utlwang le tse lo di bonang: difofu dia bona, digole di a tsamaya, balepera ba a phepfadiwa, disusu di a utlwa, baswi ba a tsosiwa, le bahumanegi ba rerelwa Efangedi. Mme go sego yo o sa kgopisiweng ke Nna. Yare bone ba tsamaya, Jesu asimololagobualebathokaga Johaneare, Lonelotswela

kwa sekakeng go bona eng? A e ne e le letlhaka lo lo tsikingwang ke phefo? Gape lo ne lo tswela go bona eng? A e ne ele motho yo o apereng tse di boleta? Kana, ba ba apereng tse di boleta ba mo matlung a dikgosi. Gape lo ne lo tswela eng? A e ne e le go bona moporofeti? Ee, Ke lo raya ke re, yo e bile o mogolo go moporofeti. Gonne ke ene go kwadilweng ka ga gagwe gatwe. Bona, Ke roma morongwa wa Me fa pele ga gago, yo o tlaa Go baakanyetsa tsela, Ammaruri Ke lo raya ke re, Mo go ba ba tsetsweng ke basadi ga goa tsoga ope yo o fetang Johane Mokolobetsi: mme yo mmotlana mo pusong ya magodimo o a mo feta.” Se se setse se dirafetse. Se dirafetse. Go fedile. Fela tlhokomela jaanong mo go Maleagi 4:1-6, “Gonne bonang, letsatsi lo e tla, le le tukang jaaka leiso; mme bottlhe ba ba ikogogomosang, le, ba ba dirang tsa boikepo, ba tla nna dirite; mme letsatsi le le tlang le tlaa ba fisa, le sa ba tlogelele modi le eseng kala, go bua Morena wa masomosomo. Mme lona ba lo boifang Leina la Me Letsatsi la Tshiamo le tlaa lo tlhabela le na le kalafo mo diphukeng tsa Lone; mme lo tlaa bolola, lo tlolaka jaaka dinamane tse di tswang mo sakeng. Mme lo tlaa gataka baikepi; gonne ba tlaa nna molora ka fa tlase ga dipato tsa dinao tsa lona ka letsatsi le Ke le etleetsang, go bua Morena wa masomosomo. Gakologelwang molao wa ga Moše mo tlhanka wa Me, o Ke o mo laetseng kwa Horebe go nna wa Baisiraele bottlhe, eleng ditaolo le ditaelo. Bonang, Ke tlaa lo romela moporofeti Elia go ise go tle letsatsi la Morena: le legolo le le boitshegang. Ene o tlaa busetsa dipelo tsa borra-bana kwa baneng, le dipelo tsa bana kwa go borraabone, e se re gongwe ka tla ka itaya lefatshe ka phutso.” Bona, fela fa morago ga go tla ga Elia YO, lefatshe le tla tlhatswiwa ka molelo mme le baikepi ba tlaa ša go nna molora. Gontse jaalo, se GA SE A dirafala ka nako ya Johane (Elia wa letsatsi la gagwe). Moya wa Modimo o o boleletseng-pele go tla ga morongwa wa Maleagi 3:1 (Johane) o ne o boeletsa puo ya polelopele ya Gagwe mo go Jesaya 40:3 e e dirilweng ngwagakgolo tharo tse di fetileng. “Lentswe la yo o bitsang la re Baakanyang tsela ya MORENA mo nageng, lo siamisetse Modimo wa rona tsela e kgolo mo sekakeng.” Jaanong Johane, ka Moya o o Boitshepo, o boletse tsotlhe tsa Jesaya le Maleagi mo go Matheo 3:3, “Yoo ke ene yo moporofeti Jesaya o buileng ka ga gagwe, a re, lentswe la yo o kuang mo sekakeng la re, Baakanyang tsela ya Morena, siamisang mebila ya Gagwe.” Re kgona go bona go tswa mo Makwalong a gore moporofeti wa Maleagi 3, yo e neng e le Johane, e ne E SE ENE moporofeti wa mo go Maleagi 4, le fa tota, bobedi ba bone Johane le moporofeti yo wa malatsi a bofelo ba na le Moya o o tshwanang mo go bone O O neng o le mo go Elia.

Jaanong morongwa yo wa Maleagi 4 le Tshenolo 10:7 o ya go dira dilo di le pedi. Ntlha ya ntsha: Go ya ka Maleagi 4 o tla busetsa dipelo tsa bana kwa go borraabone. Ntlha ya Bobedi: O tla senola diphiri tsa medumo e e supa mo go Tshenolo 10 tseo e leng ditshenolo tse di fithelwang mo dikanong tse di supang. E tla nna tsona tse di senolwang ka Bogalaledi “diphiri-mnete” tseo jaaka di ntse di busetsang dipelo tsa bana kwa go borraa-bone ba Pentekoste. Go ntse jaalo.

Fela ela tlhoko se gape. Moporofeti-morongwa yo o tla nna tlhagong le mokgwa wa ga gwe jaaka go ne go ntse ka Elia le Johane. Batho ba malatsi a moporofeti-morongwa yo ba tla nna jaaka ba kile ba nna ka malatsi a Ahabe, le a Johane. Mme jaaka e le “BANA FELA” bao dipelo tsa bona di busediwang, ke bana fela bao ba tla utlwelang. Mo malatsing a Ahabe go fitlhetswe fela 7,000 ya Baiseraele ba e nnileng peo ya nnete. Mo malatsing a ga Johane le gona e ne e le palo e nnye. Bontsi metlheng yeo yotlhe ba ne ba akafetse ka medimo ya diseto.

Ke batla go dira papiso nngwe gape magareng ga moporofeti-morongwa wa Laodikea le Johane, moporofeti-morongwa yo o eteletseng pele go tla ga Jesu la ntlha. Batho mo malatsing a ga Johane ba ne ba itlhoma fa ele ene Mesia. Johane 1:19-20, “Tshupo ya ga Johane ke e, erile Bajuta ba roma baperesita le Balefi go ene ba tswa Jerusalema go mmotsa gore, O mang? Mme a ipolela, a seke a itatola, a ipolela a re, Ga ke Kriste.” Jaanong moporofeti-morongwa yo wa malatsi a bofelo o tla nna le nonofo a a ntseng jalo fa pele ga Morena gore gotle gonne le ba tla itlhomang fa e le ena Morena Jesu. (Go tla nna le moyo mo lefatsheng mo nakong ya bofelo o o tla kgokang ba bangwe mme wa ba dira gore ba dumele se. Matheo 24:23-26, “Metlheng eo fa mongwe a ka lo raya a re: Bonang, Kriste ke yo, gongwe, ke yole, lo se ka lwa dumela; gonne go tlaa tsoga Bo-kriste ba kako, le baporofeti ba kako; ba tla dira ditshupo tse dikgolo le dikgakgamatsso gore fa go ka kgonega ba timetse le batlhaolwi. Tlhokomelang Ke lo boleeltse go sa le kwa pele. Fa jaanong ba lo raya ba re: Bonang, o kwa sekakeng! lo se ka lwa tswa; bonang o mo matlwaneng! lo se ka lwa dumela.”) Fela lo se ka lwa dumela. Ga se ene Jesu Kriste. Ga se ene Morwa wa Modimo. KE MONGWE WA BAKAULENGWE, MOPOROFETI, MORONGWA, MOTLHANKA WA MODIMO. Ga tlhoke tlollo e kgolo go bewa godimo ga gagwe go feta e Johane a e amogetseng fa e ne ele lentswe le le gowang, “Nna ga ke Ene, O TLATLA MORAGO GA ME.”

Pele re konosetsa karolo e ka ga morongwa wa paka ya Laodikea, re tshwanetse re ele tlhoko ka, tsenelelo dikakanyo tse pedi tse. La ntlha, paka e e nna le Moporofeti-Morongwa A Le MONGWE. Tshenolo 10:7, e re, “Ge a (bongwe) tla letsang phala ka ona.” Ga go ise go nne le sebaka seo Modimo a neileng batho ba Gagwe baporofeti ba ba bedi ba bagolo ka nako e le nngwe. O neetse Henoge (a le esi); O neetse Noa (a le esi); O neetse Moše (ene fela o ne a tshotse Lefoko le fa ba bangwe ba ne ba bolellela pele); Johane Mokolobetsi o tsile A Le ESI. Jaanong mo malatsing a a bofelo go tshwanetse go nne le MOPOROFETI (e seng moporofeti-gadi-le fa mo sebakeng se sa bofelo go na le basadi ba ba ikayang ba nea tshenolo ya Modimo go feta banna), mme Lefoko le le sa fosagaleng le re ene (moporofeti) o tla senolela batho ba nako ya bofelo diphiri, le go busetsa dipelo tsa bona kwa go borraabona. Go na le ba ba reng batho ba Modimo ba tla kopana ka tshenolo e e kopanetsweng. Ke goethla puo eo. Ke kakanyo e leolea, e e senang mmoko fa tlhagelelong ya Tshenolo 10:7. Jaanong ga ke ganane le gore batho

batla porofeta mo sebakeng se sa bofelo le gore dipitso tsa bone di tla kgona tsaba tsa nepa. Ga ke gane gore go tla nna baporofeti go tshwana le matsatsing a ga Paulo fa gone go le “mongwe Agabase moporofeti yo boleletsengpele ka ga leuba.” Ke dumela gore gontse jalo. FELA KE GANA GODIMO GA BOPAKI JWA LEFOKO LE LE SA FOSAGALENG GORE GO NA LE GO FETA BONGWE BA MOPOROFETI-MORONGWA YO O TLA SENOLANG DIPHIRI TSE FITLHELWANG MO LEFOKONG, LE YO O NANG LE PITSO YA GO BUSETSA DIPELO TSA BANA KWA GO BORRAABONA. “Go bua Morena” ka Lefoko la Gagwe le le sa palelweng a eme, mme o tlaa ema le go bonagadiwa. Gona le moporofeti-morongwa a le mongwe mo pakeng e. Mo maemong a boitswaro jwa batho fela, mongwe le mongwe o itse gore mo go leng batho ba bantsi ebile go na le dikakanyo tse di farologaneng mo dintlheng tse dinnye mo thutong e kgolo eo ba e tshwereng mmogo. Ke mang jaanong yo o tla nnang le nonofo e e sa pallweng e e tla busetwang mo sebakeng se sa bofelo, gonne sebaka se sa bofelo se tla boela morago go tlhomamisa Monyadiwa yo o Phepa wa Lefoko? Seo se kaya gore re tla nna le Lefoko gape jaaka tota le kile la fiwa le feleletse, mme le tlhaloganyega tota jaaka mo malatsing a ga Paulo. Ke tla go bolellela yo o tla nnang le lone. E tla nna moporofeti yo o bonagaditsweng ele tota, kgotsa ebile a bonagaditswe tota gofeta le moporofeti mongwe le mongwe mo dipakeng tsotlhe go tloga ka Henoge go fitilha mo letsatsing le, gonne monna yo se se botlhokwa se a tla bong a se tshwere ke thomo ya polelopele ye lefika la serwalo, le gona Modimo o tla mo tlhagisa. Go ka se tlhokege gore a ipolele, ke Modimo o tla mmuellelang ka lentswe la sesupo. Amen.

Ntlha ya bobedi e e tshwanetseng go itumedisa mo dipelong tsa rona ke gore motlha wa diphuthego tse supang di simologile le moyo wa moganetsa kriste le ka ona Moya o o Boitshepo O o tshwanetseng gotshegofadiwa ka bosakhutleng. I Johane 4:1, “Baratwa, lo se ka lwa dumela moyo mongwe le mongwe, mme lo leke meya fa etswa mo Modimong; gonne baporofeti ba bantsi ba maaka ba boleletse mo lefatsheng.” A o e etse tlhoko? Moya wa moganetsa kriste o bapsiwa le baporofeti ba maaka. Dipaka di simologile le baporofeti ba maaka ebile mme di tla fela le baporofeti ba maaka. Jaanong gontse jalo go tla nna le MOPOROFETI WA MAAKA TOTA mo tlhaloganyong e e feletseng monna yo o tlhagisitsweng mo go Tshendo. Mme fela ga jaana pele ga tshenolo ya gagwe go tshwanetse go bonagale baporofeti ba bantsi ba maaka. Matheo 24:23-26, “Metlheng eo fa mongwe a ka lo raya are, Bonang, Kriste ke yo, gongwe ke yole, lo se ka lwa dumela. Gonne go tla tsoga bo-kriste ba kako, le baporofeti ba kako; ba tlaa dira ditshupo tse dikgolo le dikgakgamatsi gore fa go ka kgonega ba timetse le batlhaolwi. Tlhokomelang, ke lo boleletse go sa le kwa pele. Fa jaanong ba lo raya ba re: Bonang O kwa sekakeng! lo se ka lwa tswa; bonang, O mo matlwaneng! lo se ka lwa dumela.” Baporofeti ba ba maaka re tshwaetswe tsebe ka ga bone mo Makwalong a mangwe a a mmalwa jaaka a a latelang. II Petoro 2:1-2, “Mme ebile go ne go le baporofeti ba maaka mo bathong, jaaka le mo go lona go tlaa nna

baruti ba maaka, ba ba tlaa sukunyetsang dithuto tse di senyang; jaanong ere ka ba latola Morena Yo o ba golotseng, ba itsisetsa tshenyego ya tshoganyetso. Mme batho ba bantsi ba tlaa sala boitaolo ba bone morago, ba tsela ya boammaaruri e tlaa kgalwang ka ntlha ya bone.” II Timotheo 4:3-4, “Gonne go tlaa tla sebaka se ba tlaa ganang thuto e e itekanetseng ka yona; mme ba tlaa ikgobokanyetsa baruti ka fa dikgatlhegong tsa bona ba ba ba tlakisang ditsebe. Ba tlaa iphaposa ditsebe mo boammaaruring, ba fapogela dinaaneng.” I Timotheo 4:1, “Moya o bolela ka thanolo mo metlheng ya bofelo bangwe ba tlaa tenega mo tumelong, ba ineela mo meyeng e e timetsang, le mo dithutong tsa medemone.” Jaanong mo tiragalong nngwe le nngwe o lemoga gore moporofeti wa maaka ke ene yo o kwantle ga Lefoko. Jaaka re lo bontshitse gore “moganetsa-kriste” ke gore “moganetsa Lefoko” jaalo-ge baporofeti ba ba maaka ba batla go fetola Lefoko, ba tlisa tlhaloso e e tsamaisanang le mokgwa wa bone wa bo-diabolo. A o setse o kile wa lemoga gore batho ba ba eteletseng ba bangwe-pele go ba lathla ba ba bofelela mo go bone ka go ba tshosa jaang? Ba re fa batho ba sa dire seo ba ba laelang sona, kgotsa ge ba ka tsamaya, madimabe a tla ba latela. Ke baporofeti ba maaka, gonne moporofeti ka gale o tla supetsa mongwe Lefoko a gokolela batho mo go Jesu Kriste le gona a ka se ka a bolelela batho gore ba mo tshoge kgotsa ba tshoge se a se bolelang, fela go tshoga se Lefoko le se bolelang. Lemoga ka moo gore batho ba ba tshwana le Jutase ba batla madi. Ba go dira gore o rekise tsotlhe tse o nang natso o neele bona le dithulaganyo tsa bone. Ba dirisa nako ntsi mo meneelong go feta mo Lefokong. Bao ba lekang go dirisa dimpho ba tla dirisa mpho eo e nang le mola wa phoso mo go yona mme ba bo ba kopa madi, mme ba tlogela Lefoko ba e bitse ya Modimo. Mme batho ba tlaa ya kwa go bone, mme ba ba itshokela, mme ba ba ema nokeng, mme ba ba dumela, fela ba sa itse gore ke tsela ya loso. Ee, naga e tletse ka baetsisi ba nama. Mo malatsing a bofelo ba tla leka go etsisa moporofeti-morongwa yoo. Barwa ba le supa ba Sekefa ba lekile go ekisa Paulo. Simone wa ngaka o lekile go etsisa Petoro. Go etsisa ga bone e tla nna ga nama. Ba ka se ka ba kgona go tlhagisa se moporofeti wa nnete a se tlhagisang. Fa are tsoseletso e fedile ba tla tsamaya-tsamaya ba bua fa ba na le tshenolo e kgolo gore se batho ba se tshotseng ke nnete le gore Modimo o sa tla go dira dilo tse dintsi tse dikgolo le tse di makatsang gareng ga batho. Mme batho ba tla di amogela. Bone baporofeti ba ba maaka ba tla bolela gore morongwa wa malatsi a bofelo ga se ramakwalo, ka jalo ga a tshwanelo go ka reediwa. Ba ka se ka ba kgona go tlhagisa se morongwa a ka se kgonang; ba ka se ka ba bonagadiwa ke Modimo jaaka moporofeti wa sebaka sa bofelo a tlhang go nna ka teng, fela ka mafoko a bone a a kokomogileng a magolo le ka boima ba go tuma ga bone ka bobo lefatshe ka bophara ba tla tsibosa batho gore ba se ka ba reetsa monna yoo (morongwa) mme ba tla bolela fa a ruta phoso. Ba tsamaya ka nnete ka tsela tsa borraa-bone, Bafarasai, ba e neng e le ba ga diabolo, gonne ba ile ba kaya gore Johane le Jesu ba ruta phoso.

Jaanong ke ka ntlha ya eng fa baporofeti ba ba maaka ba nna kgatlhanong le moporofeti wa nnete ba latofatsa thuto ya gagwe?

Gonne ba goditse seemo sa borraa-bonemogolo ka nnete ba e rileng mo malatsing a ga Ahabe ba be ba nna kgatlhanong le Miga. E ne e le makgolo a mane a bone mme ba ne mme botthe ba ne ba dumelelana mme, ja ka ba buile selo se le sengwe ba botlhe, ba ile ba dira batho dileele. Fela moporofeti a le MONGWE—mongwe—fela o ne a le mo nneteng mme bottle ba ne ba fositse ka gonne Modimo o neetse a le MONGWE FELA tshenolo.

Tlhokomela baporofeti ba maaka, gonne ke diphiri tse di gagolang.

Fa o santse o na le pelaelo ka se kopa Modimo ka Moya wa Gagwe gore a go tlatse le go go etelelapale, GONNE BA BA KGETHILWENG GA BA KITLA BA AKETSWA. A o tlhalogantse seo naa? Ga go motho ope o a ka go aketsang. Paulo o ne a ka se ka a baya motlhaolwi ope phori matlhong, fa a ka bo a ne a le phoso. Mme le mo pakeng eo ya ntsha ya Efeso bathhaolwi ga ba a ka ba tsiediwa gonne ba lekile baapostolo le baporofeti ba kako mme ba ba fitlhela e le baaki mme ba ba latlha. Aleluya. Dinku tsa GAGWE di utlwa lentswe la Gagwe mme di MO sala nwrago. Amen. Ke a e dumela.



PINAGARE YA MOLELO

Pinagare ya Molelo mo godimo ga tlhogo ya Mokaulengwe Branham e tshwantshitswe kwa Houston, Texas, ka Ferikgong wa 1950, mme e tsamaile le ene go simolola pelegong ya gagwe ka 1909. Ka tirelo ya kolobetso ya 1933 ko Nokeng ya Ohio kwa Jeffersonville, Indiana, popego e e sa Tlhalosegeng ya tlhagelela fa pele ga makgolo-kgolo a batho, ya re go ene, “Jaaka Johane Mokolobetdi a eteletse-pele go tla gantsha ga Kriste, wena o tla eteleta-pele go tla Gagagwe ga Bobedi.”

Molaetsa o o tla ka Mokaulengwe William Marrion Branham, *Morongwa* le *Tsiboso ya Bofelo Ya Moya*, e tserwe mo Pakeng Ya Phuthego Ya Laodikea Mo temeng ya buka ya gagwe e setlhogo sa yone se bidiwang *Tshenolo* e e *Tlhomameng Ya Dipaka Tsa Diphuthego Tse Di Supang*, mme e gatisitswe kwantle ga gofokotswa, le go abiwa *kwantle ga tefo* ke Kgatiso ya Lentswe la Modimo.

TSWANA

©1993 VGR, ALL RIGHTS RESERVED

Dinopolole tse di mo tsebeng e e kwa morago di tserwe gotswa mo bukeng e.

Melaetsa ya mmatota ka Mokaulengwe William Marrion Branham, e gatisitswe mo se tsaya mantsweng, e e leng teng e feta 1100, mme di tlhagisitswe gape di sa kwalwa. Bontsi jwa ditirelo tse bo mo seemong sa dibuka, di gatisitswe kwa ntle ga go fokotswa mme tsa abiwa kwantle ga tefo. Diteipi, dibuka, difilimi, ditshwantsho, le tse dingwe tse di ka thusang mabapi le thomo ya gagwe lefatsho ka bophara di ka bonwa ka go kwalela:

Kgalemelo Ya Bofelo Ya Moya

Tshenolo 3:22, “Yo o nang le tsebe, a a utlwe se Moya o se rayang diphuthegong.”

E ke kgalemelo ya BOFELO. Go ka se nne e nngwe. Ntlo ya sedulo sa bogosi e setse e baakantswe. Metheo e e lesome le bobedi e setse e beilwe. Mebila ya gauta e setse e adilwe. Dikgoro tse dikgolo tsa diperele di tlhatlositswe ebile di kgwageditswe. Jaaka piramiti o eme a le montle a galalela. Batho ba legodimo ba ba ipaakanyeditseng ene ba disitse kwantle ga go hema, gonne o tsabakela le go phatsima ka kgalalelo eo e seng ya lefatshe. Ntlha nngwe le nngwe ya bontle jwa gagwe e bua polelo ya tshwaro e e gakgamatsang jo bo gakgamatsang le lerato la Jesu. Ke motse o o baakanyeditsweng batho ba ba ipakantseng. O letile fela baagi ba ona, mme fa gautshwane ba tla bo ba kgorogela mebila ya gagwe ka boitumelo. Ee, ke kgoeletso ya bofelo. *Moya o ka se bue mo pakeng nngwe gape.* Dipaka di fetile.

Fela, tebogo go Modimo, gone jaanong, paka e ga e ise e wele. O santse a lela. Mme selelo sa Gagwe ga se fela mo ditsebeng tsa semoya tsa batho ka Moya wa Gagwe, fela gape-gape moporofeti o teng mo nageng. Modimo o tla senola boammaruri jaaka A dirile mo go Paulo. Mo malatsing a morongwa wa bosupa, mo malatsing a Paka ya Laodikea, morongwa wa yona o tla senola diphiri tsa Modimo jaaka di senoletswe Paulo. O tla bua, mme bao ba tla amogelang moporofeti yoo ka leina le e leng la gagwe ba tla amogela maiteko a a mosola a bodiredi ba moporofeti yoo. Mme bao ba mo utlwang ba tla segofadiwa mme ba nna karolo ya monyadiwa yoo wa motlha wa bofelo bao go boletseng ka ga bone mo go Tshenolo 22:17, “Mme Moya le monyalwi ba re: Tlaa!” Seako sa korong (Korong e leng monyadiwa e e wetseng ka mo mmung kwa Nicaea e boetse gape ya ba thoro mmatota ya tlholego Thoro ya Lefoko. A go bakwe Modimo ka bosakhutleng. Ee, reetsa moporofeti wa Modimo yo o netefaditsweng yo o bonagalang mo pakeng e ya bofelo. Seo a se buang go tswa go Modimo, monyadiwa o tla se bua. Moya le moporofeti le monyadiwa ba tla be ba bua selo se se tshwanang. Mme seo ba tla sebuang se tla bo se setse se boletswe mo Lefokong. Ba a sebuia gona jaanong, “Etswang mo gare ga gagwe gone jaanong mme lo ikaroganye.” Selelo se setse se dule. Selelo se a tswa. Lentswe le tla lela ga leele go le kae? Ga re itse, fela selo se le sengwe se re se itseng, ga go sa le kgakala, gonnie e ke paka ya bofelo.

Yo o nang le tsebe, a a utlwe se Moya o se rayang diphuthego. Moya o boletse. Letsatsi le le phirimang le gaufi le go timelela go ya bosakhutleng bakeng sa dipaka tsa diphuthego. Mme go tla bo go fedile gotlhelele. Mme go tla bo go le thari gotla. Mme fa e le gore felo gongwe mo tatelong e Modimo o go amile ka Moya wa Gagwe, a o ka sokologela kwa go Ene le gona jaanong ka tlhabologo mme o Mo neele botshelo jwa gago gore ka Moya wa Gagwe A ka go neela bophelo jo bo sa khutleng.

“GO BUA MORENA”

“lentswe la morongwa wa bosupa”

“moporofeti-morongwa a le mongwe mo pakeng e”

“thata e e sa palelweng”

“letlapaserwalo la bodinedi ba seporopeti”

“moporofeti-morongwa wa Tshenolo 10:7”

“go tshwana jaaka Maleagi 4:5-6”

“a tlhomamisitswe ke Modimo”

“a laotswe ke Moya”

“moeteledipele wa go tla ga Gagwe lwa bobedi”

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org